

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ  
ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ**

ք. Երևան

«10» «11» 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հ. Հակոբյանի, որը գործում է պետական մարմնի կանոնադրության հիման վրա, մի կողմից, և «Օրացույց. գիտաստեղծագործական նախաձեռնությունների միավորում» հասարակական կազմակերպությունը (այսուհետ՝ կազմակերպություն), ի դեմս կազմակերպության նախագահ Գ. Մարգարյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում)՝ որոշման «1168 Արվեստների ծրագրի» ծրագրի «11005. Մշակութային միջոցառումների իրականացում» միջոցառման (տող՝ «ԱՊՀ երկրների միջազգային համաժողով «ՍոլիդԱրտ. Ժամանակակից արվեստը և պետական կառավարումը» (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ**

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում իրականացնել «ԱՊՀ երկրների միջազգային համաժողով «ՍոլիդԱրտ. Ժամանակակից արվեստը և պետական կառավարումը սեմինարի իրականացումը (այսուհետ՝ միջոցառումներ)՝ համաձայն սույն պայմանագրի անբաժանելի մաս կազմող՝

1.1.1. ծրագրի՝ Հավելված N 1,

1.1.2. նախահաշվի՝ Հավելված N 2:

**2. ԿՈՂՄԵՐԻ ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ**

**2.1. Պետական մարմինն իրավունք ունի՝**

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝



ա. առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

## **2.2. Կազմակերպությունն իրավունք ունի՝**

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

## **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում



թերություններ հայտնաբերվելու դեպքում դրանք վերադարձվում են կազմակերպությանը լրամշակման՝ սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

#### **2.4. Կազմակերպությունը պարտավոր է՝**

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով՝ համաձայն սույն պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար, իսկ բովանդակայինը՝ ամբողջական տեղեկատվություն միջոցառումների իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.4.9. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.10. հրապարակել պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,



2.4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5,0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով,

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան սույն պայմանագրի 4.1-րդ կետով հաշվետվությունների համար սահմանված ժամկետից հետո 10 օրվա ընթացքում:

### **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ**

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանը հատկացնում է 6000.0 հազար (վեց միլիոն) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի:

3.2. Սույն պայմանագրի 3.1-ին կետում սահմանված գումարի 80 %-ը կազմակերպությանը հատկացվում է սույն պայմանագրի կնքումից հետո, իսկ 20 %-ը՝ սույն պայմանագրի 5.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

### **4. ՊԱՅՄԱՆԱԳՐԻ ԺԱՄԿԵՏԸ**

4.1. Սույն պայմանագրով նախատեսված միջոցառումների կատարման ժամկետը մինչև 2023 թ. նոյեմբերի 27-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացույցային օրը, սակայն ոչ ուշ, քան 2023 թվականի դեկտեմբերի 5-ը:

4.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

### **5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ**

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն (Հավելված N 4):

### **6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ



կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար՝ սույն պայմանագրի չկատարված մասի գնի նկատմամբ:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմինը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհի ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

## 7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:



7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

### 8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

### 9. ԵԶՐԱՓԱԿԻՉ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

### 10. ԿՈՂՄԵՐԻ ՀԱՍՅԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ԱՍՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ

ԿԱԶՄԱԿԵՐՊՈՒԹՅՈՒՆ

«Կրթության, գիտության, մշակույթի  
և սպորտի նախարարություն  
ք. Երևան, Վազգեն Սարգսյան  
Կառավարական տուն 2

«ՖՆ գործառնական վարչություն  
Հ/Հ 900011032878 ՀՎՀՀ 02698732

Գլխավոր քարտուղար  
Հակոբյան



«Օրացույց. գիտաստեղծագործական  
նախաձեռնությունների միավորում» ՀԿ  
ք.Երևան, Հանրապետության 82, բն 8.  
«Կոնվերսանկ» ՓԲԸ

«19300316601700 ՀՎՀՀ 02817684  
Հեռ՝ 374 93 23 80 27

Նախագահ՝  
Գ. Մարգարյան

Կ.Տ.



**Ծ Ր Ա Գ Ի Ր**

ԱՊՀ երկրների միջազգային համաժողով «ՍոլիդԱրտ. Ժամանակակից արվեստը և պետական կառավարումը» սեմինարի

1	Կազմակերպության անվանում	«Օրացույց. Գիտաստեղծագործական նախաձեռնությունների միավորում» ՀԿ
2	Կազմակերպության գտնվելու վայր	ՀՀ, ք. Երևան, Հանրապետության 82, 8
3	Ծրագրի անվանում	ԱՊՀ երկրների միջազգային համաժողով «ՍոլիդԱրտ. Ժամանակակից արվեստը և պետական կառավարումը»
3.1	Բովանդակություն	<p>Համաժողովը նվիրված է ԱՊՀ երկրների կինոարտադրության խնդիրների բացահայտմանը, և նպատակ ունի դառնալ նոր հարթակ տարբեր երկրների միջև ավելի արդյունավետ համագործակցության և ընդհանուր շուկայի ստեղծման համար։ Միջոցառման մեկնարկին կներկայացվեն մասնակից երկրները և համաժողովի ընթացքում նախատեսվող հիմնական թեմատիկ ուղղություններն ու նպատակները։ Այնուհետև յուրաքանչյուր թեմայի շուրջ ելույթ կունենան մասնակից երկրների փորձագետները, որից հետո կանցկացվի երկխոսություն փորձագետների և ոլորտի ներկայացուցիչների միջև։ Երկխոսության ընթացքում կբարձրաձայնվեն մասնակից երկրների միջև համագործակցության խոչնդոտները, ինչպես նաև հիմնական խնդիրների պարզաբանման և հստակ ձևակերպման նպատակով փորձագետներն ու մասնակիցները կբաժանվեն երկու խմբի՝</p> <ol style="list-style-type: none"> <li>1. Օրենսդրական դաշտ և կառավարման համակարգ</li> <li>2. Կինոարտադրանքի արտահանում, միջազգայնացում և վարձույթի միասնական շուկայի ձևավորում</li> </ol> <p>Համաժողովի վերջում փորձագիտական խմբերը կամփոփեն քննարկումների արդյունքները, կարձանագրեն խնդիրները և կառաջարկեն դրանց լուծման մեխանիզմները։</p> <p>Համաժողովին ակնկալվում է շուրջ 100 մասնակից, որից 48 օտարերկրյա, 8 երկրից, այդ թվում՝ մասնակից երկրների կինոարտադրության ոլորտը համակարգող պետական լիազոր մարմինների, կինոկենտրոնների, կինոմիավորումների և կինոկազմակերպությունների ներկայացուցիչներ։ Մասնակից պետություններն են՝ Հայաստանի Հանրապետություն, Ռուսաստանի Դաշնություն, Բելառուսի Հանրապետություն, Ղազախստանի Հանրապետություն, Արդական Հանրապետություն, Մոլդովայի Հանրապետություն, Տաջիկստանի Հանրապետություն, Ուզբեկստանի Հանրապետություն, Լիտվայի Հանրապետություն։</p>
3.2	Նպատակ	<p>Նախագծի ընդհանուր նպատակներն ու խնդիրներն են՝</p> <ul style="list-style-type: none"> <li>• Ստեղծել նախադրյալներ՝ պետական կառավարման մարմինների, կինոոլորտի կազմակերպությունների և մասնավոր</li> </ul>



		<p>հատվածի միջև երկխոսությունների հաստատման և արդյունավետ համագործակցության,</p> <ul style="list-style-type: none"> <li>• Ստեղծել փորձի փոխանակման հարթակ՝ մասնակից երկրների պետական կառավարման մարմինների և կինոլորտի կազմակերպությունների միջև,</li> <li>• Նպաստել կինոլորտի կազմակերպությունների գործունեությունը կարգավորող գործող օրենսդրության բարեփոխումների իրականացմանը,</li> <li>• Մշակել պետական կառավարման մարմինների և կինոլորտի կազմակերպությունների միջև համագործակցության միասնական մոդել, որը հարմար է բոլոր մասնակից պետությունների համար (ԵԱՏՄ, ԱՊՀ, Բալթյան երկրներ, Վրաստանի Հանրապետություն և Ուկրաինայի Ժողովրդական Հանրապետություն),</li> <li>• Ձևակերպել համատեղ ստեղծագործելու խնդիրները և հնարավորությունները:</li> </ul>
3.3	Անցկացման ժամկետ	Նոյեմբերի 21-26-ը
3.4	Անցկացման վայր	Երևան, Հայաստան
3.5	Ակնկալվող արդյունքներ	Միջոցառումը կնպաստի մասնակից պետությունների և կինոհանրության միջև բարեկամական հարաբերությունների և համագործակցության ամրապնդմանը, կինոգործիչների ստեղծագործական շփումների պահպանմանը և զարգացմանը, կինոլորտում համագործակցության միջոցով հանրային առաջընթացի և քաղաքացիական ներդաշնակության ապահովմանը: Կիրախուսվեն մասնագիտական շահերի պաշտպանությանը միտված գործողությունները, ինչպես նաև միջազգային իրավունքով հաստատված սկզբունքներին համապատասխան համագործակցությունը:
3.6	Ոչ ֆինանսական ցուցանիշներ	Համաժողով՝ 1 Մասնակիցներ՝ 48 Երկրներ՝ 8

**ՊԵՏԱԿԱՆ ՄԱՐՄԻՆ**

**ԿԱԶՄԱԿԵՐՊՈՒԹՅՈՒՆ**

«Հայաստանի Հանրապետության կինո, թատրոնի և սպորտի նախարարություն»  
 ք. Երևան, Վազգեն Սարգսյան  
 Կառավարական տուն 2

«Հայաստանի Հանրապետության կինո, թատրոնի և սպորտի նախարարություն»  
 ՀՀ 900011032878 ՀՎՀՀ 02698732

Գլխավոր քարտուղար՝  
 Հ. Հակոբյան



«Օրացույց. գիտաստեղծագործական նախաձեռնությունների միավորում» ՀԿ  
 ք. Երևան, Հանրապետության 82, բն 8.

«Կոնվերսանկ» ՓԲԸ  
 ՀՀ 19300316601700 ՀՎՀՀ 02817684  
 Հեռ՝ 374 93 23 80 27

Նախագահ՝  
 Գ. Մարգարյան  
 Կ.Տ.



**Ն Ա Խ Ա Հ Ա Շ Ի Վ**

**ԱՊՀ երկրների միջազգային համաժողով «ՍոլիդԱրտ. Ժամանակակից արվեստը և պետական կառավարումը» սեմինարի իրականացման ծախսերի**

N	Ծախսատեսակների անվանումը	Չափման միավորը	Քանակը	Միավորի գինը (դրամ)	Գումարը, (հազար դրամ)
1.	<b>Այլ կազմակերպչական ծառայություններ, այդ թվում՝</b>				<b>2 080,0</b>
1.1	ծրագրի հեղինակ	հատ	1	400 000	400,0
1.2	օտարերկրյա մասնակիցների հետ աշխատանքների համակարգող	հատ	1	190 000	190,0
1.3	հայ մասնակիցների հետ աշխատանքների համակարգող	հատ	1	190 000	190,0
1.4	ֆինանսական համակարգող	հատ	1	200 000	200,0
1.5	PR-ի մասնագետ	հատ	1	200 000	200,0
1.6	տեխնիկական մասի սպասարկող	հատ	1	280 000	280,0
1.7	կազմակերպիչ	հատ	1	110 000	110,0
1.8	թարգմանիչ (ռուսերեն-հայերեն)	հատ	1	180 000	180,0
1.9	փորձագետներ ( իրավաբաններ, ֆինանսիստներ, կինոմասնագետներ)	հատ	3	110 000	330,0
2.	<b>Սննդի ապահովման ծառայություններ, այդ թվում՝</b>				<b>2 670,0</b>
2.1	Օտարերկրյա մասնակիցների սնունդ՝ 48 մարդ x 5 օր x 8000 դրամ = 1920000.0 հ.դ.	հատ	1	1 920 000	1 920,0
2.2	Սուրճի ընդմիջում՝ 100 մարդ x 5 օր x 1500 դրամ = 750.0 հ.դ.	հատ	1	750 000	750,0
3.	<b>Դահլիճի վարձակալություն Հայաստանի կինոգործիչների միության Ազգային Սինեմատեք կինոթանգարան</b>	օր	5	50 000	<b>250,0</b>
	ԸՆԴԱՄԵՆԸ,				5 000,0
	ԱԱՀ*				1 000,0
	ԸՆԴԱՄԵՆԸ, ներառյալ				<b>6 000,0</b>
* ԱԱՀ-ի գծով լրացուցիչ հարկացումները որպես հարկային պարտավորություն ենթակա են վճարման կազմակերպության կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե					

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի  
և սպորտի նախարարություն  
ք. Երևան, Վազգեն Սարգսյան 3  
Կառավարական տուն 2  
ՀՀ ՖՆ գործառնական վարչություն  
Հ/Հ 900011032878 ՀՎՀՀ 02698732  
Գլխավոր քարտուղար՝  
Հ. Հակոբյան  
(ստորագրություն)  
Կ.Տ.



**ԿԱԶՄԱԿԵՐՊՈՒԹՅՈՒՆ՝**

«Օրացույց. Գիտաստեղծագործական  
նախաձեռնությունների միավորում»  
ք. Երևան, Հանրապետության 82 շ., 8 րև  
Կոնվերսբանկ ՓԲԸ  
ՀՀ 19300316601700, ՀՎՀՀ 02817684  
Հեռ՝ 094 830303  
Նախագահ՝  
Գ. Մարգարյան  
(ստորագրություն)  
Կ.Տ.



Հավելված N 3  
« 10 » « 11 » 2023 թ.  
N ՄՇԴ-333-2023 պայմանագրի

ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ  
Կատարող կազմակերպությունը \_\_\_\_\_  
Ծրագրի անվանումը \_\_\_\_\_

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

« \_\_\_\_ » \_\_\_\_\_ 2023 թ.

Կատարող կազմակերպության ղեկավար

\_\_\_\_\_/\_\_\_\_\_/\_\_\_\_\_  
(անուն-ազգանուն) (ստորագրություն)  
պատասխանատու՝

Կատարող կազմակերպության  
գլխավոր հաշվապահ  
(անուն-ազգանուն) (ստորագրություն)

ՓԱՍՏԱԹՂԹԵՐՆ ԸՆԴՈՒՆԵՑ՝

ՀՀ ԿԳՄՍ նախարարության

\_\_\_\_\_/\_\_\_\_\_/\_\_\_\_\_  
(անուն-ազգանուն) (ստորագրություն)





Հավելված N 4

«10» «11» 2023 թ.

N ՄՇԴ-373-2023 պայմանագրի

ԿԱԶՄԱԿԵՐՊՈՒԹՅՈՒՆ՝

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և սպորտի նախարարություն  
Երևան, Կառավարական տուն 2  
ՀՎՀՀ՝ 02698732

Հասցե՝

**Ա Ր Զ Ա Ն Ա Գ Ր ՈՒԹՅՈՒՆ  
ՀԱՆՁՄԱՆ - ԸՆԴՈՒՆՄԱՆ**

ք. Երևան

« » « » 2023 թ.

Պայմանագրի համարն ու կնքման ամսաթիվը N

Պետական մարմին՝ ի դեմս ՀՀ կրթության, գիտության, մշակույթի և սպորտի նախարարության գլխավոր քարտուղար \_\_\_\_\_,

(անուն ազգանուն)

և Կազմակերպությունը, ի դեմս \_\_\_\_\_ -ի տնօրեն

Կազմակերպության անվանում

\_\_\_\_\_, ի հիմք ընդունելով պայմանագրի կատարման վերաբերյալ  
(անուն ազգանուն)

բովանդակային վարչության « » « » 2023 թ.-ի եզրակացությունը, ինչպես նաև նախարարության հաշվապահական հաշվառման վարչության « » « » 2023 թ.-ի թիվ Ե - ՄՇԴ- եզրակացությունը, կազմեցին սույն արձանագրությունը հետևյալի մասին.

Կազմակերպությունը պայմանագրի շրջանակներում իրականացրել է \_\_\_\_\_ միջոցառումը, իսկ Պետական մարմինն վճարել է դրա դիմաց՝ պայմանագրով սահմանված կարգով և չափով:

**ՊԵՏԱԿԱՆ ՄԱՐՄԻՆ՝**

**ԿԱԶՄԱԿԵՐՊՈՒԹՅՈՒՆ՝**

ՀՀ կրթության, գիտության, մշակույթի և սպորտի նախարարություն

Գլխավոր քարտուղար՝  
\_\_\_\_\_

Տնօրեն՝  
\_\_\_\_\_

Գլխավոր քարտուղարի տեղակալ՝  
\_\_\_\_\_